

10.8.2020

## Ķiõll-lää'jj tiu'ddepiijmõõžžâst u'vddum šiõttõõzz muuttâs

### Tuâggaž

Valdiasuâvtõõzz šiõttõs Ķiõll-lää'jj tiu'ddepiijmõõžžâst (433/2004) u'vde 27.5.2004 da tõt pue'di viõ'kke 15.6.2004. Tõn liâ mottam 1.1.2005 da 1.1.2016 viõ'kke puättam šiõttõõzzin (16.12.2004/1130 da 22.10.2015/1277). Tõt sii'skat šeâttmõõžžid Ķiõllaa'sši sagstõõllâmkkââ'ddest de Ķiõll- lää'jjšiõtteem suâvtõõllmõõš kuõskki mainnsest.

Oou'dbu Ķiõllaa'sši sagstõõllâmkkââ'dd tuâimmpââ'jj leäi 1.4.2016–31.3.2020. Sagstõõllâmkkââ'dd tuâimjumuš ooudâsvi'kke tuâimmpââ'jj äi'ğgen. Sagstõõllâmkkââ'dd vuâzzõõttjimeä'r uu'ccee ääi'jbuž šiõttõõzz seännam raa'jin. Lää'ssen sagstõõllâmkkââ'dd tuâimjumuš kie'ppee, da sagstõõllâmkkââ'dd koskkii pue'tti tuâjjõõzzid:

1. Ķiõllaa'sši sagstõõllâmpeei'vi riâššmõõš õ'htešt ee'jjest valdiasuâvtõõzz da Ķiõllä'rttli kõskksai dialoogi ooudâsviikkõõžžân;
2. vuõiggâdvuõttministeria veä'kkatummuš Ķiõll-lää'jjšiõtteem suâvtõõllmõõžžâst u'vddem halltõõzz mainnâz valmštõõllmest; de
3. Ķiõlljää'laid da Ķiõll'lai vuõiggâdvuõdi teâuddjummša vaikktee'ji oodummsi seu'rrjumuš.

Sagstõõllâmkkââ'dd tuâimjemplaa'ne ke'rjje, štõ sagstõõllâmkkââ'dd cõõđat cõhčca 2019 jioččârvlõõzz, čââ'limest äâ'neen ođđ sagstõõllâmkkââ'dd piijjmet. Ärvvlõõzz cõõđte kõi'jee'l, koon vuõlttee sagstõõllâmkkââ'dd vuâssõõttjid, väärrnee'kkid da põõšši ä'sštobddjid. Kõõjjõs vuõlttee õhtse'žže 17 ooumže. Va'stteei le'jje 10. Kõõččmõõžž koll'je sagstõõllâmkkââ'dd õ'htepiijmõ'sše da šorradvuõ'tte, sagstõõllâmkkââ'ddest ee'ttkâ'sttmen âarrai Ķiõllä'rttlid, sagstõõllâmkkââ'dd tuâjjõõzzid, tuâimjem kõskksažaa'sšid (meerlažkiõl da jee'res kiõl), tuejjeem -mõõntõõllmõõžžid da tuâimjemnaa'lid de vaikktemvuõ'tte.

Šiõttõs lij čuä'jtõõttâm máttmi sõi'ji vaikkâtfi'ttjõssân da fe'rtai tõi mäâinast čiołgted. Šiõttõõzz čiołgsažvuõđ lij še vaikkâttam tõt, štõ sagstõõllâmkkââ'dd tuâimjem riâššmõõžžâst lij šiõttuum šiõttõõzz jee'res ceäkkksain de jeârben ra'vvjâ'ttem tuâjjpâ'raadâst. Seâmma ääi'j vuei'tte tue'jjeed še sagstõõllâmkkââ'dd ärvvlõõzz vuâđain tarbbân kiõččum muttõõzzid šiõttõ'sse.

### Šeâttmõšpuâttla vuâđdõõzz

#### Ķiõllaa'sši sagstõõllâmkkââ'dd kuõskki šeâttmõõžž – 1 lãâkk

Šiõttõõzz raajõõzz ee'ttkâ'stte mu'ttemnalla nu'tt, štõ sagstõõllâmkkââ'dd kuõskki šeâttmõõžžid nã'rre nelljen ceäkkksen: 1 § Sagstõõllâmkkââ'dd miãrktõs, 2 § Tuejjõõzz, 3 § Ō'htepiijmõš da 4 §

Tuaimmjem riáššmōš. Ođđ 4 § :a lij mie'rr noorrád taarbšem tu'mmstōkvä'lddvuōtt ( änn'jōž 4 §), tuájppá'reád ( änn'jōž 5 §), piisarkoo'ddid ( änn'jōž 6 §) de paa'lkid ( änn'jōž 8 §) kuōskki šeättmōōžž.

## 1 § Šiōttummuš da tuaimmpââ'jj

Ceäkksa nōōm ee'ttkâ'stte mu'ttemnalla. Ceäkksa ođđ nōmm le'čči Sagstōöllâmkkâ'dd miârktōs.

Ceäkksast peäggte pâi 2 §:a 1 lāāgg meāldlaž seu'rrjemtuejjōs. Sagstōöllâmkkâ'dd lij kuuitāg še kiččlōōttām oudeed kiōl'laid vuōiggādvuōđid še uu'dee'l ceälkkmōōžžid da vaikktee'l halltōstuájppá'raade. Lāā'ssen sagstōöllâmkkâ'dd lij oudāām halltōōžž da kiōllä'rttli kōskksaid vuārrsagstōöllmōš riáššsee'l jue'kkee'jj kiōllä'sšsagstōöllâmpeei'vid, da priimee'l tōin oōlmāsceälkkmōōžž. Ceäkksa ee'ttkâ'stte lāā'zzted juātkast še oudeemtuejjōs.

Ceäkksaž koll'je'čči mâᶇᶇa muttōōžž nuu'bbnalla:

### 1 § Sagstōöllâmkkâ'dd miârktōs

*Kiōll- lāā'jj (423/2003) da tōōžž koll'jeei lāā'kkšioŧteem tiu'ddepiijām da suāvtōöllmōōžž ooudummuš da seu'rrjummuš de kiōl'lai jāālai ooudāsviikkām seu'rrjem tiōd lij vuōiggādvuōttministeria ohttvuōđāst tuāimmjeei kiōllā'sši sagstōöllâmkkâ'dd, koon valdiasuāvtōs šiōttāđ nelljen ee'kken vuārast.*

## 2 § Tuejjōōžž

2 §:a mie'ldd sagstōöllâmkkâ'dd tuejjōssān lij

- 1) veä'kkted vuōiggādvuōttministeria kiōll-lāā'jj da tōōžž koll'jeei lāā'jjsiōtteem tiu'ddepiijām da suāvtōöllmōōžž seu'rrjumšest;
- 2) valmštōöllād e'tkkōōžžid tiu'ddepiijām tuārjōssān tuāimmjummsen meerlažkiōli āā'nem da sāā'jj ooudāsviikkmōšše;
- 3) veä'kkted vuōiggādvuōttministeria ee'ttik-kādda vaalpōō'ji kiōll-lāā'jjsiōtteem suāvtōöllmōōžžāst u'vddem valdiasuāvtōōžž ceälkkōōžž valmštōöllmōōžžāst;
- 4) valmštōöllād ve'rğᶇnee'kkid ra'vvjōōžžid kiōll-lāā'jj da tōōžž koll'jeei lāā'jjsiōtteem kuōskki teāđtem da škooultōōžž riáššmōōžžāst; de
- 5) u'vdded ceälkkmōōžžid ve'rğᶇnii'kkid da jee'res ohttōōžžid vuōiggādvuōttministeria tōōžž tuāimmtem kiōll-lāā'jjsiōtteem kuōskki kōōččmōōžžin.

Sagstōöllâmkkâ'dd vuāi't še:

- 1) vuässōōttāđ jee'res kiōli gu meerlažkiōli kuōskki lāā'jjsiōtteem seu'rrjumšā de ā'sštobddjen veä'kkted jee'res kiōli kuōskki lāā'jjsiōtteem valmštōöllmōōžžāst;
- 2) seu'rrjed meeraikōskksaž ooudāsviikkmōš da ohttsažtuāj jānnam kiōlljāālai da kiōl'lai vuōiggādvuōđi ooudāsviikkmōššān; de
- 3) jiiijaz alttōōžžāst valmštōöllād vuōiggādvuōttministeria ōnuu ra'vvjōōžžid kiōll-lāā'jjsiōtt'tō'sse da tōn suāvtōöllmōšše koll'jee'jest kōōččmōōžžin de raajjād alttōōžžid kiōl'lai vuōiggādvuōđi ooudumšēn da kiōl'lai oōutverddsāžvuōđ teāđdjumšēn.

Sagstõõllâmkkââ'dd tuejjõõzzin teä'dde jeärben meerlažkiõlid, tõid kuõskki kiõll-lää'jj da tõõzz koll'jeei lää'jjiõttummuš. Kiõllä'ššsagstõõllâmkkââ'dd arvlõs kuõskki kõõjjo'sse va'sttääm le'jje jee'resmiõllsa tõ'st, lij- a meerlažkiõli teäddmõš sagstõõllâmkkââ'dd tuaimmjumms'est oudäs vuäddõttum. Pie'kk va'sttee'jin leäi pe'cclâsttam tõ'st, štõ meerlažkiõl da sää'mmkiõlid pe'jje oudsâjja jee'res kiõllä'rttli nää'leld. Nu'bbpeld vasttõõzzin še kiõ'čče, štõ meerlažkiõl da jeärben ruõcckiõll lij kuäddjam sagstõõllâmkkââ'dd tuaimmjumms'est jee'res kiõli juõ'ljid. U'cc vue'ss va'sttee'jin huõmstõõtti, štõ sagstõõllâmkkââ'dd ij kiõtt'tõõll ri'jtjee'jen jännmasi'rddi- da älggjännamkiõlid.

Sagstõõllâmkkââ'dd tuaimmjummuš vuei'tte tuaimpõõ'ji vuä'psted tää'rķben šiõttõstu'mmstõõggin. Sagstõõllâmkkââ'dd vuäi't še jiõčč va'lljeed, mu'vddem aa'sšin haa'lad lee'd alttee'jes. Nu'tt lij vuäddõttum, štõ šiõttõs juätkast še vuei'tlvõõstci veeidõssân meerlažkiõlid da jee'res kiõlid de takainalla jännam kiõlljääli seu'rrjummuž kuõskki tuejjos. Tuejjõõzzid ee'ttkâ'stte kuuitäg čiolgtättem tiõd, štõ tõin õčndõõvvi čiolggsuubuin sagstõõllâmkkââ'dd vuõss-sâjjsažtuejjõõzz.

Sagstõõllâmkkââ'dd tuejjõõssân le'čči juätkast še 1 momee'nt 1 pääi'k meäldlen vie'kkted vuõiggäduõttministeria kiõll-lää'jjiõtteem tiu'ddepiijjâm da suävtõõllmõõžž seu'rrjumms'est. Valdiasuävtõõzz kiõllmainnâz valmštõõllmõõžžâst vie'kkummuš vuei'tte kiõččäd koll'jed seu'rrjemtuejjõ'sse, da tõn ee'ttkâ'stte se'rddemnalla 1 momee'nt 1 päikka.

Sagstõõllâmkkââ'dd tuejjõõssân lij lââ'ssen viõggâst äärrai šiõttõõzz mie'ldd leämmaš valmštõõlläd e'tkkõõzzid tiu'ddepiijjâm staanõssân tuaimman meerlažkiõli ää'nem da säâ'jj oudäsviikkõššân, valmštõõlläd ve'rğgnii'kkid ra'vvjõõzzid kiõll-lää'jj da tõõzz koll'jeei lää'jjiõtteem kuõskki teädtummuž da škooultõõzz riäššmõš de u'vdded ceälkkmõõžžid ve'rğgnii'kkid da jee'res õhttõõzzid vuõiggäduõttministeria tõõzz tuaimmtem kiõll- lää'jjiõtteem kuõskki kõõččmõõžžid. Hät lij vääžnai, štõ sagstõõllâmkkââ'dd vuäi't raajjäd e'tkkõõzzid, valmštõõlläd ra'vvjõõzzid da u'vdded ceälkkmõõžžid, nu'tt rutiinnalšem e'tkkõõzzi, ra'vvjõõzzi da ceälkkmõõžži valmštõõllmõš vuäi't lee'd vä'žžlaž. Nu'bbeld lij vääžnai, štõ sagstõõllâmkkââ'dd vuäi't še u'vdded ceälkkmõõžžid jārssi, gu vuõiggäduõttministeria tõõzz tuaimmtem kõõččmõõžžin. Tuejjõõzz ee'ttkâ'stte õ'htekeässmõššân täi vue'zzin.

Sagstõõllâmkkââ'dd tuejjõõssân le'čči 1 momee'nt 2 pääi'k mie'ldd staanäd kiõll-lää'jjiõtteem tiu'ddepiijjõõžž de meerlažkiõli ää'nem da säâ'jj oudeem da tõn vä'rdd taarbšemmen raajjäd e'tkkõõzzid da u'vdded ceälkkmõõžžid. Viõggâst äärrai šiõttõõzz 1 momee'nt 4 pääi'kest peäggum ra'vvjõõzz kuõskeen kiõll-lää'jj da tõõzz koll'jeei lää'jjiõtteem kuõskki teädtummuž da škooultõõzz riäššmõõžžâst vuei'tte kiõččäd sii'skeel'jen 2 päikka ij-ka tõid le'čči tarbbân peäggted tuejjõõzzâst jeärben.

Kiõllaa'sši sagstõõllâmkkââ'dd lij riäššâm ouu'dbuž tuaimpââ'jstes šiõttõõzzâst šiõtteem tuejjõõzzi lââ'ssen juõ'kk ee'jj kiõllaa'sši sagstõõllâmpeei'v, ko'st kiõllä'rttlin lij leämmaš vuei'tlvažvuõtt ää'nned vuärrsagstõõllmõš halltõõzzin ääi'jpoddsaz kiõl'lai vuõiggäduõdid koll'jeei kõõččmõõžžin. Kiõllä'ššsagstõõllâmkkââ'dd arvlõõzz kuõskki kõõjjo'sse va'sttääm le'jje tõn miõll, štõ sagstõõllâmpei'vv lij leämmaš äukkai tuaimmjemnääl. Tõt le'čči vuäddõttum lâä'zzted sagstõõllâmkkââ'dd vuõss-sâjjsažtuejjõ'sse.

Lââ'ssen 2 momee'ntest šiõttõ'sse jee'res tuejjõõzzin, koid sagstõõllâmkkââ'dd vuäi't häiddad ouddmiärkan jee'res kiõli da takai kiõlljääli vue'zzest. Sagstõõllâmkkââ'dd vuäitci viõggâst äärrai šiõttõõzz 2 momee'nt 1 pääi'k meäldlen juätkast še vuässõõttäd jee'res kiõli gu meerlažkiõli kuõskki lää'jjiõtteem seu'rrjumms'a. Tõn pääi'kest ta'rķkečče, štõ kõõččmest lij 1 momee'nt 1 pääi'k nalla lää'jjiõtteem tiu'ddepiijjâm da suävtõõllmõõžž seu'rrjummuš. Tõn pääi'kest ee'ttkâ'stte meädda jaauktemnalla jee'res kiõli kuõskki lää'jjiõtteem valmštõõllmõõžžâst veä'kkummuš, gu sagstõõllâmkkââ'dd tuejjõõzz koll'je oudäl pukid kiõll- lää'jjiõtteem tiu'ddepiijjâm da suävtõõllmõõžž

oudummuša da seu'rrjummuša de kiõllai jäälai oudâsviikkâm seu'rrjummuša. Sagstõõllâmka'dd vuäitçi kuuitâg ä'sštobddjen vuässõõttâd kiõll- lää'jjiõtteem valmštummša oudmiârkkkan uu'dee'l ceälkkmõõžžid.

Viõggâst âarrai šiõttõõzz 2 §:a 2 momee'nt 2 päi'k mie'ldd sagstõõllâmka'dd vuäit' seu'rrjed meeraikõskksaž oudâsviikkâm da õhttsažtuâj kiõlljäälaid da kiõllai vuõiggâdvuõdi õoudâsviikkmõõššân. Jeårben jânnam kiõlljäälai da kiõllai vuõiggâdvuõdi seu'rrjummuš lij vääžnai, huõmstee'n 1 päi'k meâldlaž seu'rrjemtuejjõs de halltõõzz kiõllmainnâs valmštõõllmõõžžâst veä'kkummuš. Tuejjõõzz ee'ttkâ'stte miállamnalla nu'tt, štõ tuejjõssân le'ççi seu'rrjed jânnam kiõlljäälai da kiõllai vuõiggâdvuõdi teâddjummušest de meeraikõskksaž oudâsviikkmõš da õhttsažtuâj.

Viõggâst âarrai šiõttõõzz 2 §:a 2 momee'nt 3 päi'k mie'ldd sagstõõllâmka'dd vuäit' jiiijâz alttõõzzâst valmštõõllâd vuõiggâdvuõttministeria õnnu ra'vvjõõzzid kiõll- lää'jjiõtt'tõ'sse da tøn suâvtõõllmõ'sše koll'jeei kõõçcmõõžžin de raajjâd alttõõzzid kiõllai vuõiggâdvuõdi oudummušan da kiõllai õõutverddsazuõd teâuddjummušan. Tõt päi'k põõžžçi seâmmasââ'jest.

Ceäkksaž koll'je'ççi mâŋŋa muttõõzz nääit'-aa:

## 2 § Tuejjõõzz

*Sagstõõllâmka'dd tuejjõssân lij:*

- 1) *veä'kkted vuõiggâdvuõttministeria kiõll- lää'jj da tõõzz koll'jeei lää'jjiõtteem tiu'ddepiijâm da suâvtõõllmõõžž seu'rrjummušest, mie'ldd låaggeen ee'ttik-kâdda vaalpõõ'jin kiõll- lää'jjiõtteem suâvtõõllmõõžžâst u'vddem valdiasuâvtõõzz mainnâz valmštõõllmõõžžâst*
- 2) *staanâd kiõll- lää'jjiõtteem tiu'ddepiijmõš de meerlažkiõli ââ'nem da sââ'jj oudummušest da tån vä'rd taarbšemmen raajjâd e'tkkõõzzid da u'vded ceälkkmõõžžid*
- 3) *Ooudeed vuârsagstõõllmõs halltõõzz da kiõllä'rttli kõõskâst*

*Sagstõõllâmka'dd vuäit' še:*

- 1) *vuässõõttâd jee'res kiõli gu meerlažkiõli kuõskki lää'jjiõtteem tiu'ddepiijâm da suâvtõõllmõõžž seu'rrjummuša*
- 2) *seu'rrjed jânnam kiõlljäälaid da kiõllai vuõiggâdvuõdi teâuddjummušest de meeraikõskksaž oudâsviikkmõš da õhttsažtuâj*
- 3) *jiiijâz alttõõzzâst valmštõõllâd vuõiggâdvuõttministeria õnnu ra'vvjõõzzid kiõll- lää'jjiõtt'tõ'sse da tøn suâvtõõllmõ'sše koll'jeei kõõçcmõõžžin de raajjâd alttõõzzid kiõllai vuõiggâdvuõdi oudummušen da kiõllai õõutverddsazuõd teâuddjummušen.*

## 3 § Õ'httepiijmõš

Viõggâst âarrai 3 §:a 1 momee'nt mie'ldd sagstõõllâmka'ddest lij saaggjää'dteei, vää'rrsaaggjää'dteei da jäänmõssân kuâtmlo (12) jee'res vuâzzla, koin juõ'kkkast lij jii'jjes vää'rrvuâzzlaž. 2 momee'nt mie'ldd sagstõõllâmka'ddest âlgg lee'd ee'ttkâ'stemnalla kuuitâg vuõiggâdvuõdlaž, sosiaal- da tiõrvâsvuõttuõl, mätt'tõs- da çuõvtemtuâimm, âlggjânnmallaž- da jânnmamu'ttemaa'sši, kâ'ddvaaldšem de kiõllhuõl le'be kiõlltu'tkkõõzz ä'sštobddmõš.

Sagstõõllâmkaa'dd viõggâst âarrai tuâjppâ'raad mie'ldd sagstõõllâmkaa'dd vuâit lââ'ssen kâččad põõžži ä'sštobddjid sagstõõllâmkaa'da da taarb mie'ldd kâččad še jee'res ä'sštobddjid kuullâmnalla sagstõõllâmkaa'ddest. Sagstõõllâmkaa'ddest liâ 31.3.2020 puuttâm tuâimppââ'jest leâmmaš põõžži ä'sštobddi Folktingest, Sää'mtee'ğğest, kâ'ddleettast, da õõutverddsazva'ldduumnee'kk pravlee'nn'jast. Lââ'ssen Kuullâmväkksaileettast lij leâmmaš vuâzzlaz sagstõõllâmkaa'ddest. Jee'res kiõllâ'rttlid mâ't-a romankiõllsa, ka'rjelkiõllsa da jânnmasi'rddjikiõli maainstee'jid ko'le juõ'kk ee'jj riâššâm kiõllaa'sši sagstõõllâmpeei'vin. Jânnmasi'rddjikiõli maainsteei sagstõõllâmpeei'vin ee'ttkast Etnlai õhttvuõdi sagstõõllâmkaa'dd (ETNO) da romankiõllsai Romanaa'sši sagstõõllâmkaa'dd (RONK). Kiõllâ'sš- sagstõõllâmkaa'dd arvvlõõz kuõskki kõõjjõ'sse va'sttâam le'je tõi miõll, štõ ä'sštobddji kuullmõš lij leâmmaš äukkai tuâimmjemnäâ'll. Jeâ'nbõs kiõčči še, štõ sagstõõllâmkaa'ddest lij ri'jtjee'jen ä'sštobddmõš da štõ taarbšee'j kiõllâ'rttel liâ ee'ttkõsttum.

Lij vuâđđõttum, štõ sagstõõllâmkaa'ddest liâ juâtkast še ee'ttkõsttum sagstõõllâmkaa'dd tuejõõz kiõččâmvue'jjest kõskksa meerkââ'dd sektor. Šeâttmõš ee'ttkâ'ste kuuitâg õõutkeârddsâ'sted tõi vue'zzest. 2 momee'nt mie'ldd sagstõõllâmkaa'ddest õõlgçi lee'd ee'ttkõsttum sagstõõllâmkaa'dd tuejõõzzi näâ'leld kõskksai sue'rji, kâ'ddvaaldšem da kiõllhuõl le'be kiõlltu'tkkõõz ä'sštobddmõš de jee'res tuejõõzzi näâ'leld kõskksaz ä'sštobddmõš. Lââ'ssen lij vuâđđõttum, štõ sagstõõllâmkaa'ddest le'čči e'tkkõs kuuitâg tõi õutstõskoo'ddin, kook lââ'jšeâttmõššân oudeee jânnam ruõcc'kiõllsa uu'ccbõõz da algmeer sä'mmlai vuõiggâdvuõđid. Tâk liâ Svenska Finlands folkting -nõmmsaz õutstõskâ'dd, koon tuejõõs lij oudeeed Lää'ddjânnam ruõcc'kiõllsa narood vuõiggâdvuõđid da tâimmjed tõi narood čuõvtõõz da õhttsazkoo'ddi jäälai oudâsviikkõššân de ruõcc kiõl sââ'jj oudummšen Lää'ddjânnmest, de sää'mtee'ğğ, koon tuejõõssân lij hâiddad sä'mmlai jiijjâz kiõl da kulttuur de sij sââ'jes algmeeran kuõskki aa'sšid, da ee'ttkâ'sted sä'mmlaid tuejõõztees koll'jeei aa'sšin.

Ä'sštobddji kâččmest da kuullmest ee'ttkâ'ste šiotteemnalla ceäkkas. Ceäkkas 3 momee'nt mie'ldd sagstõõllâmkaa'dd vuâitçi kâččad põõžži le'be pââđ ä'sštobddjid de taarb mie'ldd kâččad še jee'res ä'sštobddjid kuullâmnalla sagstõõllâmkaa'ddest. Põõžži ä'sštobddjid kâččee'l vueitte ra'ddjed tõi'st, štõ vä'lddveârlai vuâzzlai lââ'ssen sagstõõllâmkaa'ddest lij ä'sštobddmõš ouddmiârkan tuejõõzzi näâ'leld kõskksaz kiõllâ'rttlin le'be jee'res ä'rttlin.

Kiõllaa'sši sagstõõllâmkaa'ddest leâi sie'vvemkiõllsai ee'ttik põõžži ä'sštobddjen tuâimppââ'jest 2012-2015 da vuâđdlää'kkvälljkâ'dd õõ'ni sie'vvemkiõll- lââ'jj šiotteem õhttvuõđâst vääžn'jen, štõ sagstõõllâmkaa'ddest lij sie'vvemkiõl õõ'nni ee'ttik še juâtkast. Seâmmast vuâđdlää'kkvälljkâ'dd kiõčči, štõ õõlgçi se'lvtet še tarbb sie'vvemkiõl sagstõõllâmkaa'dd perstumša (PeVM 10/2014 vp). Sanna Marin halltõstuâjppâ'raad mie'ldd perste veidõsvuâllsaz sie'vvemkiõllaa'sši sagstõõllâmkaa'dd ärvvlâ'tted sie'vvemkiõll- lââ'jj da sie'vvemkiõllsai vuâđđvuõiggâdvuõdi de õõutverddsazvuõđ teâuddjummuš. Šiotte'mmen kiõllaa'sši sagstõõllâmkaa'dd ođđ tuâimppâjja vueitte tu'mmjed, kââčč'e-a Kuullâmväkksai lett vä'lddveârlaz vuâzzla sââ'jest taarbšemmen põõžži ä'sštobddjen.

Ceäkkasaz koll'je'čči mâŋŋa muttõõz näâit-aa :

### 3 § Õ'httepiijmõš

*Sagstõõllâmkaa'ddest lij saaggjââ'dteei, vää'rrsaaggjââ'dteei da jäänmõssân kuâtmlõ (12) jee'res vuâzzla, koin juõ'kkkast lij jii'jjes vää'rvuâzzlaz.*

*Sagstõõllâmkaa'ddest ä'lgge lee'd ee'ttkõsttum sagstõõllâmkaa'dd tuejõõz näâ'leld kõskksai sue'rji, kâ'ddvaaldšem da kiõllhuõl le'be kiõlltu'tkkõõz ä'sštobddmõš de jee'res tuejõõzzi näâ'leld kõskksaz ä'sštobddmõš. Lââ'ssen sagstõõllâmkaa'ddest älgg*

*lee'd e'tkkõs Svenska Finlands Folkting -nõmmsast õutstõskåå'ddest de sää'mtee'ğgest.*

*Sagstõõllâmka'dd vuäi't káččad põõžži le'be paađ ä'sštobddjid de taarb mie'ldd kuullád še jee'res ä'sštobddjid.*

#### **4 § Tu'mmstõkvä'lddvueõtt**

Ceäksa e'tkkee nõmmeemnalla o'ddest. 4 § le'čči nõmmstest Tuáimmjem riáššmõš. Ceäksa ee'ttká'ste noorrámnalla tu'mmstõkvä'lddvueõtt ( änn'jõž 4 §), tuájppá'reád ( änn'jõž 5 §), piisarkoo'ddid ( änn'jõž 6 §) da paa'lkid ( änn'jõž 8 §) kuõskki šeätmõõžž de tuáimmjummuš nää'leld kõskksaid aa'sšid viõggást áarra tuájppá'raadast.

Ceäksaž koll'je'čči mânja muttõõzz nääi't-aa :

##### **4 § Tuáimmjem riáššmõš**

*Sagstõõllâmka'dd nooráatt saaggjáá'dteei le'be vää'rrsaaggjáá'dteei kääččast.*

*Sagstõõllâmka'dd lij tu'mmstõkva'lddasaž, gu sábbar saaggjáá'dteei da uu'ccmõssán pie'll jee'res vuázlain liá noorõõttám. Tá'! gu ää'sš tu'mmste'mmen õčndááv jee'resmiõlisaž juurd, tu'mmje ää'sš õõutkeärddsõssán jiõni jeä'nbõõzzin. Jiõni mõõnnmen tää'zzen rá'tkkad tõt miõlláá'nnem, koon saaggjáá'dteei lij kanntam.*

*Sagstõõllâmkaå'ddest lij pá'jpiisar, koon vuõiggádvuõttministeria mie'rrad. vuõiggádvuõttministeria vuäi't láá'ssen mie'rreed sagstõõllâmka'dda piisar.*

*Sagstõõllâmka'dd tu'mmai jee'res tuáimmjummušes riáššmõõžži kuõskki mõõntõõllámnaa'lin. Sagstõõllâmka'dd vuäi't šiõtteed tuájvälljkåå'dd de taarb mie'ldd juággtõõzzid da tuájjä'rtlid.*

*Sagstõõllâmkaå'dd vuázlaid, piisrid de ä'sštobddjid mä'hssem paa'lkin da teä'ğgáá'nnemkuuli ko'rvummšest tu'mmai vuõiggádvuõttministeria.*

#### **5 § Tuájppá'reád**

Vuõiggádvuõttministeria lij priimmâm 26.11.2004 šiõttõõzz 5 §:a meáldlen sagstõõllâmkaå'dd tuájppá'reád. Tuájppá'raa'dest mie'rree sagstõõllâmkaå'dd šiõttummšest tuájvälljkåå'ddest, juággtõõzzin da tuájjä'rtlin de ä'sštobddji nõmmáattmest.

Tuáimmjem nää'leld kõskksi aa'sšin ee'ttká'ste šiõtteemnalla ođđ 4 §: ast ij- ga jeärbuž tuájppá'reád teänab taarbše'čče. Ceäksa da tön nuä'jest priimmum tuájppá'reád ee'ttká'ste kää'mtemnalla.

#### **6 § Piisarkå'dd**

Änn'jõž 6 §:a mie'ldd sagstõõllâmkaå'ddest lij piisarkå'dd, koozz koll'je pá'jpiisar da taarbšem mie'rr piisar. Vuõiggádvuõttministeria mie'rrad pá'jpiisar da mie'rrad le'be káčč piisrid. Ceäksaž ee'ttká'ste kää'mtemnalla da piisarkåå'ddest ee'ttká'ste šiõtteemnalla ođđ 4 §:ast. Juátkast sagstõõllâmkaå'ddest le'čči pá'jpiisar, koon vuõiggádvuõttministeria mie'rrad. Vuõiggádvuõttministeria vuäitci láá'ssen mie'rreed sagstõõllâmka'dda piisar.

## 7 § Tuáimmjemplaan da -mainnâs

Ceäkksa mie'ldd sagstööllâmkâ'dd räajj juõ'kk ee'jj tuáimmjemplaan, de mainnâz tuáimmjummšest da e'tkkad täid vuõiggâdvoõttministeria priimmâmnalla. Sagstööllâmkâ'dd vuäitçi juátkast še priimmâd tuáimmjemplaan de tuáimmjem- mainnâz, leša töid i'lla tarbb šiotteed šioõttõõzzâst. Ceäkksaž ee'ttkâ'ste kââ'mtemnalla.

## 8 § Pää'lk

Ceäkksa ee'ttkâ'ste kââ'mtemnalla da paa'lkín ee'ttkâ'ste šioõtteemnalla oõđ 4 §:ast. Oõđ 4 §:a mie'ldd sagstööllâmkâ'dd vuâzzlaid, piisra de ä'sštobddjid mä'hssem paa'lkín da teä'gõgââ'nemkuuli ko'rvvummšest tu'mmje'čči vuõiggâdvoõttministeria.

## Vaikkõõzz

Šioõttõsee'ttkâsttmõõžžâst jiâ arvvlâsttam le'ddjed täällsâllaid le'be jee'res vaikkõõzz.

## Šioõttõsu'vddemvä'lddõs

Vuâđdlää'jj 119 § 2 momee'nt mie'ldd valdiavaaldšem tuáimmpravlee'nn'jai takai vuâđđaa'ššin âlgg šioõtteed laa'jjin, tâ'l gu töi tuejjõ'sse kollai õõlmâs vää'ld âânnmõš. Valdía vu'vdd- da pääiklažvaaldšem vuâđđaa'ššin šioõtte nu'tt še laa'jjin. Valdiavaaldšem õhtõõgggin vuei'tte muđoi šioõtteed šioõttõõzzin.

Kiõllaa'šši sagstööllâmkâ'dd tuejjõ'sse ij kullu õõlmâs vää'ld âânnmõš, tâ'l tõn vuei'tte ââ'nned vuâđdlää'jj 119 §:a 2 momee'nt ju'rddem valdiavaaldšem õhtõkkân, ko'st vuei'tte šioõtteed valdiasuávtõõzz šioõttõõzzin.

## Ää'šš valmštõõllmõš

Šioõttõse'tkkõs lij valmštõõllum vuõiggâdvoõttministeriast ve'rõgõtuâjjan. Šioõttõse'tkkõõzzâst rau'kke ceäkkmõõžžid...

[Šioõttõse'tkkõs lij ta'rkkuum vuõiggâdvoõttministeria lää'kkta'rkkõemõhtõõggâst.]

## Viõ'kkõpuättmõš

Šioõttõs lij jurddum pue'tted viõ'kkõ xx mannu 2020